

mè huc applicatum, dicens: *an credis, quando scriptura ait, quod Deus in nube sese manifestaverit, aut quod in tabernaculo, & in templo habitaverit, quod ipse Deus naturam nubis, tabernaculi & templi assumerit?* Sed facili negotio patet malitiosa sensus corruptio, quia nunquam DEUS ita dicitur in nube se manifestasse, ut etiam dicere liceat: *Deus nubes factus est*, sicut clarè extat Joh. I, 14, *λόγος & ille factus est caro.* Econtrario genuinus scrutator, depositis omnibus præceptis opinionibus, Deo, qui *superabundanter potest facere supra ea, quæ petimus aut intelligimus*, Epb. III, 20, semet tradit, spretisque omnibus rationis placitis, omnipotenti Scripturæ autori pro tanti thesauri concessione submissas agit gratias, ac non nisi cum devotis precibus ad lectionem semet accingit; quia nimirum nemo rectè rem perpendens negare poterit, S. *litteras* claras ac *perspicuas* dicendas esse, non absolute, sed *ordinate*: ut nempe, suppositâ *illuminatione* Spiritus Sancti, absque qua etiam *ingeniosissimi & doctissimi homines in hoc mundo Evangelium de Filio DEI — propriis viribus percipere, intelligere; credere & verum esse statuere nequeunt*, 1. Cor. II. 14. seq., ut verbis utar F. C. p. 657: non excludantur piæ preces, ut in omnibus necessitatibus nostris, ita in hac maximè, ubi de animæ salute agitur, meritò adhibendæ; cum Pater cœlestis petentibus non possit *Spiritum S.*, Luc. XI. 13, & *sapientiam*, Jac. I, 5, nempe *coelitus* venientem, c. 3, 15, denegare: unde etiam Paulus ardentè precatur, ut *Deus Domini nostri Jesu Christi, Pater ille gloria, det Ephesius Spiritum sapientie ac revelationis, per agnitionem ipsius, illuminatis oculis mentis ipsorum*, Epb. I, 16, 17. 18.

§. 4. Sequitur jam III. *modus ipse scrutinium debitum instituendi.* Facile intelligitur, quod non sufficiat ex intentione Christi, alienis oculis per omnia fidere, & receptam expositionem, procul omni meditatione, sequi; cum hoc non esset scrutari, verum serviliter credere. Indequè non potest melius, quam in ipsis fontibus, sive lingua Scripturæ S. originali scrutinium illud institui; quia non potest non ex illis fontibus a-

qua